

Lalampahan : Jero Dalang Jendra,
wayang sakéng Tamblang, Kecamatan
Kubutambahan, Buleleng.
Ditik tanggal : 21 - 2 - 1973.
O l e h : Ni Made Sarini
Diperiksa oleh: I Ktut Suwidja.

PISARAT DEWI KUNTI RING PRABU AWANGGA, 1.

- 1 1 Mangkin kacarita Dewi Kunti magunem sareng okané Sang Arjuna, raris
2 ngandika Dewi Kunti ring Sang Arjuna :,, cening Sang Arjuna ané jani ada
3 saratang biyang tekén cening Sang Arjuna, sawiréh biyang suba maraga ling-
4 sir, biyang ngidih tekén cening saha sameton ceningé makejang Sang Panda-
5 wa apanga ngaturang sembah tekén biyang, buina ada ané saratang biyang te-
6 kén cening kemu aturin Sang Karna Adipati Awangga kerana ento panak biyang
7 masi, apanga bareng-bareng ngaturang sembah dini di Indraprasta, sejatiné
8 sing ja cening ané utus biyang ka Awangga, ento belin ceningé Sang Bima ké-
9 wala kabuwungang biyang kerana Sang Bima énggal gedeg yén tuara ñak Sang
10 Karna mai ka Indraprasta, sakéwala kéné cening Sang Arjuna, yén sing ñak
11 mai Sang Karna wantah rambuté akatih kówanten ané tunas cening tekén Sang
12 Karna, lakar anggon bukti suba ngaturang sembah tekén biyang."
- 13 Raris mamargi Sang Arjuna ka Awangga, sarauhé ring Awangga, nénten ka-
14 sanggra olih Sang Karna, sakówanten Sang Arjuna matur ring rakané Sang Kar-
15 na sakadi-kadi.
- 16 Ngandika Sang Karna saha bingras :,, é né téh Sang Arjuna sing katawang né
17 Sang Karna anak suba kutanga tekén Déwi Kunti, tur kaañudang, lantasa ada
18 anak nuduk ané madan Sang Adirata, dadi kusir dokar di Astina, adi juari
19 pongah jani nundén ka Indraprasta tur nundén ñombah/Déwi Kunti."
- 2 1 Matur ariné Sang Arjuna :,, Yaning nénten kayun beli jaga lunga ka Indra -
2 prasta, icén titiang rambut beliné asiki kówanten.
- 3 Sang Karna taler tan kayun raris siat, ramé ikang perang, Sang Karna
4 ngaranjing ring keraton tur kapanah olih Sang Arjuna antuk panah Geni-si-
5 rah, keni lawangan keratoné raris geseng lawangané punika. Panah Sang Ar-
6 juna sané mawasta Geni-sirah panugrahan Bhagawan Drona, Bhagawan Drona po-
7 lih panah punika taler panugrahan olih Resi Ramabargawa, Sang Karna tan
8 mrasidayang nandingin Sang Arjuna raris malayu ka-tengahing alas, irika
9 Sang Karna ñepilang raga ring genah Ida Bhagawan Parasu makérti. Ring pa-
10 sraman puniki wénten sisian Ida Bhagawan Parasu, Raksasa sané maparab Ka-
11 la Regena saha mawacana ring parekané I Délem mwang I Sangut :,, né pare-
12 kan sayang makadadua, ada ané wirasayang gelah tekén Délem mwang Sangut,
13 gelah sejatiné adina tekén Diah Hidimbi, ngelah panak madan Sang Gatotka-
14 ca, buin pidan yan suba tamat pelajahan gelah dini ngiring Ida Bhagawan
15 Parasu, lakar kamatiang Sang Gatotkaca, apanga gelah kuasa di Pringgadani.
- 16 Wau asampunika wecanan Kala Regena ring parekané I Délem sareng I Sang-
17 ut rauh Sang Arjuna jaga ngarereh Sang Karna, raris kasiatin Sang Arjuna o
18 olih Sang Kala Regena, / Sang Arjuna palatra ring payudan, magentos dados
3 1 taru cempaka, Toalén dados watu.
- 2 Kacarita mangkin ring Indraprasta Déwi Kunti ngandika ring Sang Gatot-
3 kaca :,, cening Sang Gatotkaca, kemu alih ajin ceningé Sang Arjuna kerana
4 makelo posan tuara rauh uli di Awangga." Matur Sang Gatotkaca :,, inggih
5 mangkin titiang jagi ngarereh aji Sang Arjuna."

PISARAT DEWI KUNTI RING PRABU AWANGGA, 2.

- 3 6 Sampun lami Sang Gatotkaca lunga ngarereh Sang Arjuna taler nénten rauh,
7 kandugi mangkin Sang Bima sané kandikayang oleh Déwi Kunti ngarereh Sang
8 Arjuna.
- 9 Sang Gatotkaca sané kecap sampun lami ngarereh Sang Arjuna, wénten ring
10 tengahing alas, tur ningakin taru compaka sané madaging tulisan :,, Deriki
11 Sang Arjuna kapadomang olih Kala Regena saha magentos dados taru compaka,
12 Kala Regena sisian Bhagawan Parasu, Sang Karna taler iriki nepilang raga.
13 Irika Sang Gatotkaca baegbegan, manangis ningakin taru compaka punika, a-
14 jahan rauh ajiné Sang Bima, Sang Gatotkaca aturé sakadi-kadi ring ajiné
15 Sang Bima, banget mórangné Sang Bima raris kasiatin Bhagawan Parasu miwah
16 Kala Regena, kaon Bhagawan Parasu sarong Kala Regena tambis padem saha nu-
17 nas urip ring Sang Bima miwah Sang Gatotkaca.
- 18 Ngandika Bhagawan Parasu :,, Déwa Sang Bima sarong Sang Gatotkaca mangkin
19 bapa nunas urip ring I Déwa, / indik Sang Karna jaga aturang bapa ring I Dé-
4 1 wa :,, Matur Sang Kala Regena ring Sang Bima :,, Déwa Sang Bima titiang ta-
2 ler nunas urip ring I Déwa, mangkin jaga kaurip titiang Sang Arjuna mangda
3 ngadeg sakadi nguni."
- 4 Ring sampuné urip Sang Arjuna, Sang Karna raris kaambil rambutné olâh
5 Sang Bima kabakta ka Indraprasta jaga kaaturang ring biyangé Déwi Kunti.-

-----0000000-----